

Wolof - Njàlbéen Xelum Xeexe Ñaan Mbind - Beginning WP Scriptures

Waxe Mbind - Confession Scriptures

Esra 9:7 La ko dale ca sunu janti maam ba bésub tey jii, nu ngi ci moy gu réy.

Sunuy bàkkaar tax na buuri réew yi teg nu loxo, nook sunuy buur ak sunuy sarxalkat, ñu di nu rey, di nu jàpp njaam, di lël sunu alal, di nu torxal ba sunu jonni yàllay tey.

Esra 9:13 Loolu nu dal lépp, sunu jëf ju bon a tax, ak sunu tooñ gu réy. Terewul yaw sunu Yàlla, tegoo nu lu dul mbugal mu yées mi sunuy bàkkaar yellool.

Terewul yaw sunu Yàlla, li nu bàkkaar mbugaloo nu ko, te moo nu fi taxa des di dund nii.

Neyemi 9:2 Ci kaw loolu askanu Israyil beddeeku doxandéem yépp. Ñu taxaw nag, tudd seen bàkkaari bopp ak seen ñaawtéefi maam.

Sabóor 24:3,4 Ana kuy yéegi tundu Aji Sax ji, di taxawi bérabam bu °sell ba? 4 Xanaa ku mucc ayib, sell xol, xemmemul caaxaani neen, du giñey fen.

Yeremi 5:25 Yooyii seeni ñaawtéef a ko waññi, seen bàkkaar a leen xañ ngëneel.

Dañeel 9:8,9 Aji Sax ji, nun kay gàcce ñeel na nu, nook sunuy buur ak sunuy kilifaak sunuy maam, ndax moy nanu la. 9 Boroom bi sunu Yàlla, yaay Boroom yérmandeek njéggal moos, ndax gàntal nanu la.

Macë 6:10 yal na sa nguur ñëw, yal na sa coobare am ci suuf mel ni ci kaw.

Màrk 9:24 Ci saa si baayu xale bi wax ci kaw naan: «Gëm naa, dàqal ma sama ngëmadi.»

Luug 11:2 Yeesu ne léen: «Bu ngeen dee ñaan, nangeen ne: Baay, yal na sa tur di lu ñu sellal, yal na sa nguur ñëw.

Yowaana 14:6 Yeesu ne ko: «Man maay yoon wi, maay dëgg te dund it man la. Kenn du ñëw ci Baay bi te jaarul ci man.

Yowaana 17:15 Ñaanuma nga jèle léen àddina, waaye nga yiir léen ci °Ibliis.

Saag 4:8 Jegeleen Yàlla, mu jege leen. Yéen bàkkaarkat yi, sellal-leen seeni loxo; yéen ñi am xel ñaar, laabal-leen seeni xol.

Room 6:12-14 Buleen mayati bàkkaar nag, mu yilif seeni yaram yu néew doole, bay topp ay bëgg-bëggam. 13 Buleen jébbalati seeni cér bàkkaar, mu def léen jumtukaayam ngir jëfam yu jubadi; waaye gannaaw rëcc ngeen ci dooley dee, bay dundaat, jébbaluleen ci Yàlla te jébbal ko seeni cér, mu def léen jumtukaayam ngir jëfam yu jub. 14 Ndaxte bàkkaar dootu leen manal dara, yéen ñi génn ci yoonu °Musaa, dugg ci yiwu Yàlla.

Yawut Ya 9:28 noonu it la Kirist joxee boppam benn yoon, ngir gàddu bàkkaaru nit ñu bare, te dina feeñaat, waxuma ci mbiri bàkkaar, waaye ngir indil ñi koy séentu mucc gi.

1 Yowaana 1:9 Su nu nangoo sunuy bàkkaar ci kanamam, fekk kuy sàmm kóllére la te jub, ngir baal nu sunuy bàkkaar te sellal nu ci lépp lu jubadi.

Esayi 59:2 sin separates from Yàlla.

Esayi 64:6 our righteousness as filthy rags.

Sunuy Mbind - Forgiveness Scriptures

Macë 6:12-15 te baal nu sunuy tooñ, ni nu baale ñi nu tooñ; 13 Yàlla boo nu teg ci yoonu nattu, waaye yal nanga nu musal ci lu bon. Ndaxte yaw yaa yellow nguur ak kàttan ak màggaay, ba fàww. Amiin.” 14 «Su ngeen baalee ñi leen tooñ, seen Baay bi ci kaw dina leen baal seeni tooñ yéen itam. 15 Waaye su ngeen baalul ñi leen tooñ, seen Baay it du leen baal seeni tooñ.

Macë 18:21,22 Noonu Piyeer ñëw ci Yeesu, laaj ko: «Boroom bi, bu ma sama mbokk tooñee, ñaata yoon laa ko wara baal? Xanaa ba ci juróom ñaari yoon?» 22 Yeesu ne ko: «Waxuma la ba ci juróom ñaari yoon, waaye ba ci juróom ñaar fukki juróom ñaari yoon.

Macë 18:35 «Noonu la leen sama Baay bi ci kaw di def, bu ngeen baalul ku nekk seen mbokk ak xol bu sedd.»

Màrk 11:25/26 Te it bu ngeen di ñaan, fekk ngeen jàppal kenn dara, baal-leen ko, ngir seen Baay bi ci kaw baal leen seeni tooñ, yéen itam.»

Luug 6:37 «Buleen àtte seeni moroom ak ñaaw njort, te deesu leen àtte. Buleen daan kenn, te deesu leen daan. Baal-leen ñi ci des, te dinañu leen baal.

Luug 11:4 Yal nanga nu baal sunuy bàkkaar, ndaxte nun itam danuy baal ñépp ñi nu tooñ. Yàlla boo nu teg ci yoonu nattu.»

Luug 17:3,4 Wottuleen seen bopp. «Bu sa mbokk tooñee, yedd ko. Bu réccoo, baal ko. 4 Te su la tooñee juróom ñaari yoon ci bés bi, te ñëw ci yaw juróom ñaari yoon ne la: “Tuub naa ko,” nanga ko baal.»

Luug 23:34 Ci kaw loolu Yeesu ne: «Baay, baal léen, ndaxte xamuñu li ñuy def.» Xarekat ya tegoo ay bant yéreem, ngir séddoo ko.

Jëfi Ndaw ya Kirist Yónni 8:22 Réccul nag sa coxor te ñaan Boroom bi, mu baal la sa xalaatu xol, su manee am.

Room 4:7 Mu ne: «Ñi ñu baal seen jàdd yoon, te seeni bàkkaar far ci kanam Yàlla, ñu barkeel lañu.

Efes 1:7 Moom °jot na nu ak deretam ji ñu tuur, maanaam baal nu sunuy bàkkaar, ci kaw yi wu yaatu,

Efes 4:32 Te ngeen baax ci seen diggante, di laayante biir tey baalante, ni leen Yàlla baale ci turu °Kirist.

Kolos 1:14 moom mi nu jot, maanaam baal nu sunuy bàkkaar.

Kolos 2:13-15 Te yéen ñi doon ndee fa kanam Yàlla ndax seeni moy ak seen ñàk-ka xaraf Yàlla dundalaat na leen ak Kirist baal nu sunuy bàkkaar yépp. 14 Mbind mi nu doon tiiñal, te daa nu yey ndax ay sàrtam, Yàlla far na ko, dindi ko, daa-jaale ko ca bant ba Kirist deeye. 15 Futti na kilifa yi ak boroom sañ-sañ yi, weer léen ci kanam ñépp, sèkktal léen niy jaam ndax ndam la Kirist jèle ca bant ba.

1 Yowaana 1:9 Su nu nangoo sunuy bàkkaar ci kanamam, fekk kuy sàmm kóllëre la te jub, ngir baal nu sunuy bàkkaar te sellal nu ci lépp lu jubadi.

1 Yowaana 2:12 Samay doom, maa ngi leen di bind, ndax baalees na leen seeni bàkkaar ci turu Kirist.